

rahka’

maki’ ci ka ruw carung na morow rik ka sun rahka’ hiya. pakatangi ci tanmorow, pakahurhur ci hi’ lu patalating ci pinmugan, gamil na nabkis rali’ uri’.

ana’ musa inu’, sipakegal ci tugal mintatana’ yotas na uruw ka sun rahka’ ta hani. ana nak masarigal minbah tehu’ ci ka inbahan na kakelan ga, as ki pasalun pacaruw ka rahka’, ingan ma’uri’ ka tanmorow. kani ka paluhing ci kinnanuxan na ita Itaral. cika rali’ ma ga, kelan ka mapapa’ul ci raxal ka ci’uli’ ma ga, “ nel sani ka rahka’ na ka nabkis mu, hali’ nak matox ga ” ma cumik ka caxa’ la ga, ungat ke’ ka cacaxa’ la ma, ini ahraw ka caxa’ la. kani ka as ba’iy lunuli’ ci kinnanuxan ta curung ka rahka’ ta hani. macaruw cubay ki ka pincaruw naka’ nabkis naha la ga, ini samahti’ musa umaharaw umul ka kinelan na ci’uli’ la ma.magagarux lu masasu’ ka ita Itaral hiya’, ini mahmut umul ci angaya na ci’uli’, ana’ raxal na ci’uli, bisani’ kora’ kaca ma ka nabkis rali.

pinungan mu kunaral tutux humorak ci rahka’ ka nabkis ka yaya mu. “ cumingas ” sun ta ita.yaba’ carung na sa’ang ka sun“ cuminas” hani kay. cel ki kutux ka mukrakis ma, maktugal ingkaralang musa malikur, ini

parule’, lu laxan naha, pabinahun naha morow ni yaba’ ni la ma, sunbili’ suniri’ ka yutas ni, maku’ rakeh kisli naka yaba’ ni ka mukrakis hani ma. ga, ananak sunno’ suniri’ naka yutas ni, ini cacpang kuncik.ana nak matolax ka sasaing hani ga, tatu’ moh sumuy ka yutas ni rali’. ini nak sintariy naka yaba’ ni. nanu’ cubiy mpakhu’il ka yaba’ ni mukrakis hani la ga, sipalawa ni kora’ ka ulule’ ni, matatama’ syaw na rahka’ kumaral ma“ iya’ carung pagagali’ ka ule’ mamu rali la kay, talagay ka siniri’ ni itan, iya carung rungi’ ka sinbili’ mu”, masu’ kumara la ga, hurakun ni ka utux pinkegal rahka’ na uruw ma, “ arat nak pakaramas kay ” ma, yonani’ sinbili’ ci ke’ ka yaba’ naka’ mukrakis hani. buse’ hari’ la, yenak hunco’ moh sare’ ci mukrakis tanmorow hani ka mago’ naka yutas na mukrakis hani lur ma, matox ci ramas ka kinnanuxan naha ka sun ina’ naka nabkis wal cumingas hani’, patahlun mi pusa’ ki ka ule’ ni kanel, ga, ini ka’ixul ka ke’ na nabkis hiya, ini’kabuse’ pingagalan na ka sasa’ing hani ga, wal mahu’il ka kanel hani’ la. ini’ rungi’ cubay ka ke’ sinbi’i’ na nabkis ong.

三角立灶

灶在泰雅族傳統住屋處於中心的位置，具有煮食、驅寒、防蛀的功能，也代表祖先生根的地方。

灶由三個石塊組成，用在烹煮食物。去任何地方蓋房子，會先立灶，意謂著灶延續我們的生活，讓後代子孫不會忘記。若與人有土地爭議就會說：「你沒有根的所在地嗎？」，另一方則說：「我祖先的灶就在那邊，你可以去看！」。以此證明。灶在泰雅族語裡有深奧的意義。後世也曾聽做老人家拔灶起誓，後世子孫不從的悲慘故事。